



食霜仔

今年的熱天有較翕熱，氣溫磕袂著就夯到三十六、七度。若無風無搖的時，打馬膠路閣燒甲會衝煙，真正是熱甲走無路。毋過這對愛食霜仔的人來講，一大喙霜仔現共食落去，彼款透心涼的感覺，實在有夠讚！

講著食霜仔，較早有人用腳踏車載枝仔冰出來賣，手裡擲一支搖鉸仔，沿路那搖那鉸。囡仔人耳空誠利，聽著聲攏圍倚來。這時陣賣霜仔的，共冰桶的窰仔拔開，一陣涼涼的白煙衝出來，看著喙瀾強欲津落來。枝仔冰一枝一箍銀，逐家相爭買。一囡仔囡，規桶冰就銷甲空空空。阮彼陣食枝仔冰是毋甘大喙咬，攏嘛是用舌寬寬仔舐。若是咧欲溶去的所在，緊用喙舐一下，食甲規个喙脣喙舌是按呢紅記記。

「Pänn-pu、pänn-pu」，這是真濟人囡仔時代熟似的聲音。阮彼時陣閣時行唸講：「Pänn-pu、pänn-pu，無食會曲痾，食了會瘴响。」Pänn-pu 這種冰食著綿綿綿，口感恰枝仔冰無全，聽講是用菜燕摻一寡芳料激出來的。欲食的時，用一支圓圓的刮仔來刮，囡仔人看賣冰的頭家向落去刮的時，總是向望會當刮較大刮，食著嘛較夠氣！

霜仔食來食去，我感覺猶是礮冰食著上過癮。冰咧礮的時，親像雪落佇盤仔內，食入喉隨化做一陣迴心的清涼！毋過若是食了傷雄，規粒頭是按呢對鬢邊疼到頭殼心去。頭疼罔疼，喙猶是拚命咧食。較早的礮冰無像這馬遮濟種口味，毋過攏是真材實料，食著有夠繼喙，親像四果冰、李鹹冰、王梨冰、仙草冰、綠豆冰。猶閣有一種真特別的清冰，佇冰頂面淋一款紅色的酸汁水，點開了後看著有夠嬌，食著酸甘甜仔酸甘甜，有一種予人難忘的氣味，聽講號做『i-tsih-gooh』，到今已經三十幾年毋捌閣看著矣。

舊年的歇熱，我恁囡仔去一間真出名的冰店食霜仔，人是暎甲袂得過。礮冰一盤愛百外箍，配料誠濟，食著嘛袂歹食，毋過煞無較早彼號好滋味的感覺。我想應該是時代恰環境無全矣，相信真正的好滋味，是佇心內毋是佇喙舌。

作者：張日東

☆詞彙學習☆

【磕袂著】kháp-bē-tiòh/kháp-buē-tiòh：動

不動就……。

【打馬膠路】tá-má-ka-lōo：柏油路。

【透心涼】thàu-sim-liàng：由嘴、咽喉一直

涼到心脾，形容涼極了。

【鉸仔】giang-á：鈴鐺。

【曲痾】khiau-ku：駝背。

【瘴响】he-ku：氣喘病、哮喘病。

【刮仔】khat-á：用來刮物的器具。

【礮冰】tshuah-ping：刨冰。

【鬢邊】pìn-pinn：太陽穴。

【點】tò：暈開。